

981.53
50021

溆浦县志

淑浦縣志

潯浦縣志卷之十一

同知銜署潯浦縣事山右齊德五王修

兵防

兵屬乎人而防因乎地潯於漢時爲義陵當伏波蠻征壺頭邑之捍衛與否紀載無聞宋時於邊境皆建砦立堡置屯丁弩手領以巡檢使曰霧山之役昭焉及章惇經制南北江改上下梅山爲縣民更安堵書曰克詰戎兵易曰王公設險以守其國弧矢之與山谿亦王者所不廢也爰志兵防及關隘又念前事者後事之師附以咸豐以來籌辦堵禦爲第十一

宋天禧二年辰州都巡檢使李守元率兵入白霧團

卽白霧山宋置驛元廢

擒蠻寇十五人斬首五級

宋史作百級

降其酋二百餘人

見宋史

崇甯元年十二月辰沅州獠入寇二年蔡京開黔中築靖州城辰

溪獠叛殺澈浦令京立賞格斬一獠首給絹三百

見宏簡錄補入

元至正七年二月獠賊吳天保寇沅州陷澈浦辰溪

見元史類編補入

明成化二年城步苗入寇城市盡赭

陶志

嘉靖三十八年澈獠沈亞當叛殺龍潭巡檢劉綱及生員唐元宗

事聞總督石勇檄總兵石邦憲擒亞當平之

萬厯十年沅溪諸賊騷擾居民

天啟元年城步獠入寇邵獠奉雲山澈獠卜前溪等乘間作亂命

將軍林某討之

崇正十七年澈獠劉南山卜連山邵獠奉明還等劫兩丫鄉大竹

小溪二崗燒其廬舍

俱陶志

按陶志於衙署中言天順中邑令程甯重建毀於寇成化庚寅知縣宋珍重修寇復毀前無所指後殆城步苗歟

國朝順治中薛士道不知何處人入麻堂山誘邵澂諸徭掠靖州

武岡官軍剿平之

見陶志補遺

順治五年牛萬才人殺屠戮甚慘至黃陽山爲從平南王孔有德

之將軍線國安所殲

見線國安本傳

萬才死之後賀元魁聚眾對馬江

四出劫掠邵陽陳某率族眾襲殺之

順治十九年吳逆僞將王某據澂其下擄掠至江口搜所掠者命

縱遣之

康熙五年武岡董麻子誘澂徭卜羅把種邵徭沈海綱等寇武岡之峽口二十五年流賊施司道誘徭沈亞當澂民吳大福武岡

張百祥叛寶慶副將吳雲辰州都司李學正捕斬之俱陶志

按陶志以搖防兵防分爲二以激之宜防者莫如搖也而近來搖盡服化自不蠢動至兵防僅列武弁姓名今歸於文職後而厯紀激事如左

嘉慶元年苗匪吳隴登反竄犯瀘溪焚劫浦市激浦戒嚴

咸豐二年粵逆竄圍長沙省城通飭各縣練團激浦會匪潛煽搜捕乃靖四年粵逆自湖北上陷常德府土匪大起邑令陸傳應

稟請府尊劉位坦帶兵勇五百來激浦斬數十名民心乃安邑

貢生李百濤有土匪紀略云激邑自明末牛賊竄擾後休養二百餘年咸豐二年粵匪竄湖南全楚震動蚩頑蜂起上憲札飭各府廳州縣示諭紳耆舉行團練邑東北隅底莊與安化接壤有土匪或十餘人或二三十人成羣劫掠四門冲圍首舒士彬等率眾搜捕至礪崑洞山阿中拏戮匪等八九人其餘四散由間道竄入橋江四十八灣爲嚴姓望鄉坡團眾所殺又一匪走

堰塘灣團丁謝爵貴奮勇獨當死之至丁家村爲丁姓匡姓團
眾擒獲解府正法匪巢起於邵陽之望雲山辰守劉公位坦募
丁往勦其時官激者不力是年冬改調陸公傳應來激乃廣設
偵邏得捻香結會之稔惡多年稱帽頂者數人先就駢戮又訪
拏餘匪多名相繼絞斬官民始得安堵乃勸民輸粟建立豐備
倉製辦軍裝火藥設卡練團此咸豐三年事也至四年夏髮逆
復竄湖南之常德府而激邑土匪復行潛謀蠢動卽時偵知伏
法所勾辰邑土匪袁高連簡老九等倡言復仇潛來窺頭思蒙
各鄉城中洶湧十餘晝夜陸侯乃號召四鄉團練極力防護本
府劉守帶練勇三百鄔都司領營兵數百來激勦辦陸侯復開
設自新局令呈悞者自新一面緝捕餘黨得匪首訊認卽解府
正法其黨羽有伏於靈全山菴及轎頂山下皆捕獲誅死更有
遠逃於蜀楚界地亦遣團丁舒發榜劉肇仁誘至鎮草稟憲梟
示土匪由是漸息逮十一年復有不逞之徒爲簡老九勾結約
期舉事其時爲鮑公懷前任聞知設法捕至卽時斬決前後就
戮者又十餘人四境肅然激邑地交七屬林菁之間不無宵小
煽惑然各鄉紳民勇於赴公得賢有司倡率無不効力數年之
間土匪頻起卒保無虞團練之力也其間如長樂團望鄉團朱
灣團太平團皆實力奉行可資防禦者也

咸豐九年四月粵逆石達開竄寶慶郡尊沈元泰來激督辦防堵

自五月起至八月止練團招勇屯東南西一帶於邵新武毗連

之境隘口十餘處共計丁勇二千五百五十人計發口糧雜項

用錢一萬八千餘串皆由富戶捐給

邑紳舒其錦撰有激防日記云咸豐九年己未春

粵逆洪秀全之黨石達開賴剝皮等自江西南安竄入郴桂境
先年冬本省駱撫軍命長勝定勝兩營各率勇千餘守邊賊踰
熊羆嶺入定勝營營主猶不知遂大潰郴州牧胡聞風棄城走
遂連陷郴桂及所屬之宜章桂東等縣復分股擾永衡永州勇
擊敗之迺悉竄衡州圍祁陽走寶慶遂盤踞九鞏橋時四月初
旬也寶郡被圍駱撫飛調勒古州苗之田副將興恕及領楚勇
之趙劉周李諸軍成起寶郡禦賊壁壘相持惟田出關時有勝
負寶危甚激之方域自西南東橫互二百八十餘里與武岡邵
陽新化相毗連於是撫道及辰郡守沈飭本縣吳令勸督各鄉
團練擇險堵防吳令往龍潭查視南路各隘口五月初七日其
錦奉駱撫憲札委總辦團防與吳令商議謂逆氛密邇所獲奸
細皆云將假道於激犯辰沅以窺巴蜀幸有險可守守則需餉
現在各鄉團練壯丁使遠守隘口糧安能自備即令富民捐貲
亦難急就惟暫挪官錢一面設法彌補吳侯謂然乃號召團勇
得千人率以紳分布於老菴塘土嶺界茅花坪老營坡馬子坡
拖峯坡黃楊界兩丫江各處道憲翟旋調土苗三百來亦紫老

營坡又調三百紫馬子坡弁與兵皆疲懦無紀律而道憲又不
敢親來調度稟請沈郡憲按臨五月十七日蒞潯命設防堵局
擇人董其事時向甥先藩奉湖北胡中丞命星沙駱撫憲命歸
協辦潯邑團防並給軍械火藥可擇精健者數百人爲策應又
家三兄其鎮在省垣奉藩憲委查團防郡尊乃飭錦與先濬總
理局務命三兄及舒敘玲楊梅南郭遠厚武正培舒立湘黃思
清劉士清劉肇春向郁文李百濤諸君或司文諭掌支應管軍
裝器械火藥並出外聯團查卡收費勸捐二十日郡尊赴南塘
查各隘口邀錦偕行二十一日任龍潭司二十二日查老菴塘
老營坡二十五日至頓腳水二十六日查土嶺界茅花坪由爛草田上
弱且有旁歧小徑除老菴塘土嶺界茅花坪老營坡外若近武
黔之龍溪隘邵陽之陽和坪風車衝皆不可不備因於三處各
添百人紳帥以往並嚴諭各卡盤詰奸細遇有警卽報團總號
召附近各鄉團丁上卡共截勦道路無論大小皆掘斷晝架木
約通往來夜伏竹弩防人偷越六月初三日郡尊命吳令與錦
往查東路大雨僅至橋江初四日查畚刀界下茶光嶺至江東
初五日查拖峯坡至水田莊初六日查黃楊界至顏家壩初七
日邑侯上底莊勸捐錦自花橋旋縣復命郡尊謂馬子坡拖峯
坡黃楊界兩江雖設卡而人太少至小路有東瓜坡由新化
而安化則潯安交界之羅盤巖爲水陸通衢皆宜守復添守者
二百五十人又城中留二百勇以備緩急防內亂共計招募丁

勇二千五百五十人皆本縣給發其自撫道調遣來潑者由省
庫籌餉本道憲暨撫憲因賊勢披猖復札調統領靖寧各勇之
兆太守及吳郡丞自靖州來潑助防兆守行至江口畏蕙觀望
住七日始到縣郡尊因請兆守駐土嶺界吳丞駐老營坡各帶
千餘人相捍衛而兆吳所帶數多虛冒人復疲弱月糜二萬金
尤不足恃且盡屯於老營土嶺之間當此際黔芷不逞之徒冒
稱官軍或十餘人數十人暴鄉曲間初七日思蒙小江等處有
人數言詰朝合大團備土匪眾村皆應數十人者聞即逃走又九
溪江桶溪等處亦有百餘人分匿山谷畏團眾而遁初九日大
江口對岸清江屯三十餘匪入旅店肆擾店主呼團丁攻捕擒
十有七縛送嚴鞫供稱係多年遁寇楊豔三徒黨豔三四月內
屯入面山眾千餘遣人投石逆石逆欲其劫洪江破潑浦以入
寶慶合彼等四出勾引會茶起事云云立梟其九餘再鞫辭猶
舊胥駢誅之而各卡盤詰奸細有自賊營為勾煽土匪來者有
本地土匪貨鹽馬投賊營去者訊實皆後先正法適已六月望
寶慶圍益緊文報不通賴剝皮統千餘人渡石馬江擄殺及潑
開舖草鞋舖大橋邊等處邵新土匪亦起燒隆回司而新化之
守牛山卡者各潰散於是栗坪楊溪觀音橋嵩公廟皆為賊所
蹂躪避難者日數百至湊土嶺界已聞賊銃炮聲正惶惑間忽
探報云李希菴廉訪提師五千自北來南於廿四日抵寶慶廿
六日由郡北門松樹灘搭浮橋攻賊廿七日賊至至與戰而田

總鎮之勇橫衝而出賊大敗乘勝踏賊營七斬馘及溺斃者三
四千降者千餘獲馬匹器械衣服錢穀無算凡在北擄掠於栗
坪楊溪者悉斂而南與據九鞏橋者合寶郡北圍解七月初旬
復數戰無大勝負至十四五日李希菴率勵趙李諸軍作壁上
觀皆起薄賊營賊遂大敗十六日夜燒營遁十七日官軍起追
賊分三股逃由祁陽新甯皆入東安竄全州與郴州賊黃金亮
合轉犯粵西省垣而寶境始靖沈郡尊於十四日旋郡乃散勇
撤防所有董事諸人稟請上憲保舉加銜各有差惟此次賊犯
寶慶非田興恕之戰則寶城不守非李希菴之來則寶圍不解
寶郡如失激事正未可知也郡尊命紀其事乃敘其略如此郡
尊名元泰號墨莊紹興人以庚子翰林出守辰吳合名廷諤號
質菴懷甯人以癸卯舉人來權激也

十一年十月石達開復自廣西竄靖州由黔陽焚浦市激浦戒嚴
招勇堵防十二月賊走乾州永順入四川防勇乃罷

同治二年三月松桃賊包毛先滋事於磨子山辰芷土匪亦起激
募勇防堵大江口黃溪口桐灣等處旋請武明良等往擊破之
本年五月龍潭土匪勾結新邵匪徒於茅花坪會茶起事由隆回

竄至金雞壠因招邑勇鄭捷三劉福望等往老鷹坡堵賊遇賊至槐子冲宿乘夜將搗其巢方蓐食而賊潛至乃力鬪於黃土坎匪敗至坡下而坡上賊復戰鄭稍退劉軍亦來共追擊殺數十名擒十四名并偽曾五王勇丁梁正鰲李復元黃再世黃從道等皆奮力陣亡賊退入邵境後爲寶慶協副將滕勦平之

同治二年八月髮逆李復郁由麻陽竄黔陽募勇防堵江口

同治四年十月黔匪近洪江募勇發砲船於沿江各處巡防堵禦

關隘

盧峯關縣東五里今建書院於其麓雙江夾流諸峯環繞

龍堆關縣南十里邑八景有龍堆積雪

國朝邑令袁不基龍堆積雪詩云一片空明傍水

隈山靈玉戲幻成堆卽看鹽虎蹲危石應是冰剗戰蟄雷遮却
遠峯迷巖角融因初日露蒼巒旋當百廢俱興後爲爾經營步
雪臺邑令李長祚龍堆積雪詩云西風飄泊蓼花殘江上蓑
翁一釣竿有客騎驢迷去路何人泛棹問前灘早烹學士金鑄
冷夜渡將軍鐵甲寒非是陽和消不盡深潭知有玉龍蟠邑
紳舒宏訓龍堆積雪詩云千峯萬壑護龍堆玉戲天公撥不開
頭角遮時猶有影風雲暖處豈無才畫靈晴自紅鱸點詩妙珠
從白戰來好共蒼顏鱗甲老孤山誰更問寒梅邑紳向嵐龍
堆積雪詩云蟄龍睡難醒滕六聊相嬉玉塵灑九斛覆其鱗之
而不受雷霆鞭轉爲瓊瑰姿潛懷精白意見待文明時同雲自
舒卷崑壑失嶽崎會當階尺木復然謝塵縑

思溪隘縣東六十里

油洋隘縣東八十里

苦練隘縣東一百里

黃梅隘縣東一百里

桶溪隘縣南五十里

順溪隘縣南六十里

龍旗隘縣南一百二十里

接獠界

長坡隘縣北二十里

白霧隘縣北六十里

卽白霧山

瀨口隘縣東北九十里

海濱縣志 卷之十一
按陶志云以上隘口俱本省志復引澈志言澈據楚上游山連溪峒無賴之徒勾引苗獠爲奸明萬厯時紅苗入寇洛陽楊萃宰澈諭居民築土城卽名洛陽以備不虞前歲裁兵竊發有團保團結相衛得以安堵云云今自咸豐十年以來粵逆疊犯沅寶諸屬澈辦堵防所有隘塞開列於後

南路

龍溪 卽龍旗隘與黔陽毗連自綏甯城步武岡入澈者皆由此路峯巒錯雜形勢陡險此隘之外又有狗扒崖左溪右山其險尤甚爲黔邑門戶咸豐九年籌辦防堵黔陽則守狗扒爲澈前茅澈浦則守龍溪爲黔後勁也

青界 計距城九十餘里與黔陽灣溪分嶺爲界山勢極陡峻

高約二里許過嶺四五里卽灣溪路通太平厰爲由安江入龍潭之要隘

古鄜山 山勢高挺爲激水發源之所卽酈道元水經註所稱鄜梁山也與黔陽毗連分嶺爲界嶺有古菴嶺下有古廟里人稱曰天門土地爲由黔陽灣溪入龍潭之小路

果水 距城百二十五里係黔陽地界與龍潭白崑橋毗連爲由新路河過鐵坡山入龍潭要隘

老菴塘 自龍潭司南行二十里爲嶺腳又十餘里爲老菴塘萬山圍繞峻坂陡絕幽溪一綫與武岡通其絕頂咸豐二年郡尊劉位坦砌築礮臺一垛及丁勇住屋一所九年防堵重葺隘前數里有管茅坪亦奇險守老菴塘者更須分駐於此以爲外

援且便偵探

右隘屬一都

土嶺界 屬邵陽而激浦必守於此與龍潭之青山界相距十餘里青山界無險可據惟宜駐軍以爲各隘聲援至土嶺界則高險可守其側約三里許爲茅花坪亦通邵新路宜防堵咸豐九年郡守沈元泰修立木柵土門爲防守計

茅花坪 此係平坦小路然不防守便可潛徑龍潭土嶺界反居其後

老營坡 從邵陽之爛草田至坡腳約五里至絕頂約十里羣峯插天石磴千級行者頂踵相接昔曾駐兵於此因名老營坡後訛營爲鷹邵新入激者必取道此坡咸豐九年石逆竄寶慶

澈邑辦防丁勇駐此千五百餘名賊縱趨捷嚴防度越

風車衙地與邵新通蓋小徑也形狹而險距老營坡十餘里不必重兵即可防堵

楊和坪與風車衙相去十餘里平坦小徑邵新入澈者往往舍老營坡之捷近而取此九年亦駐勇防守以相彌縫

右隘屬二都以上係縣西南及正南之邊境隘口龍溪隘老菴塘老營坡誠著名要區而土嶺界風車衙各處小徑亦未可疏忽善防者宜加察焉

東路

畚刀界與新化接壤前去三十里爲筍崑山新澈赴省垣必由之路亦極奇險而畚刀則澈之門戶也萬山橫簇中凹下陡